

**OBRTNIČKA KOMORA BPK GORAŽDE
G O R A Ž D E**

Broj: 26.665/12
Goražde; 10.02.2012.godine

Z A P I S N I K

**Sa I (prve) redovne / izvještajne / Skupštine Obrtničke komore Bosansko-
podrinjskog kantona Goražde**

koja je održana 26.01.2012. godine u prostorijama Ministarstva privrede BPK-a Goražde sa početkom u 16:00 sati. Na sjednicu su pozvani svi članovi Skupštine kao i gosti. Sjednica je imala slijedeći :

D N E V N I R E D

1. Usvajanje zapisnika sa I /konstituirajuće/ Skupštine Obrtničke komore Bosansko - podrinjskog kantona - Goražde,
2. Izmjene i dopune Poslovnika o radu Skupštine Obrtničke komore BPK-a,
3. Izbor radnih tijela Skupštine:
 - radno predsjedništvo,
 - verifikacione komisije,
 - zapisničara i ovjerivača zapisnika,
4. Izvještaj o radu organa upravljanja Obrtničke komore BPK-a Goražde u proteklom periodu:
 - Izvještaj o radu Obrtničke komore
 - Izvještaj o radu Upravnog odbora Obrtničke komore BPK-a
 - Izvještaj Nadzornog odbora Obrtničke komore BPK-a o materijalno-finansijskom pislovanju,
5. Diskusija o izvještajima i njihovo usvajanje,
6. Usvajanje Finansijskog izvještaja Obrtničke komore BPK-a za 2011. godinu,
7. Usvajanje Finansijskog plana Komore za 2012. godinu.

Usvajanje programa rada Obrtničke komore BPK-a Goražde za 2012. godinu,
8. Usvajanje Pravilnika
 - O radu Upravnog odbora Obrtničke komore BPK-a,
 - O radu Nadzornog odbora Obrtničke komore BPK-a,

- Izmjena pravilnika o naknadama za putne troškove

9. Izmjene i dopune Statuta (usklađivanje sa Zakonom o obrtu i srodnim djelatnostima)

- Odluka o izmjeni Statuta Obrtničke komore BPK-a

10. Dodjela priznanja i zahvalnica zaslužnim za razvoj obrta BPK-a ,

11. Formulisanje zaključaka i usvajanje istih,

12. Razno

Ponudeni Dnevni red Skupštine jednoglasno je usvojen.

Nakon što je ustanovljen Dnevni red, Predsjednik Skupštine Obrtničke komore je pozdravio prisutne i poželio dobrodošlicu gostima, i to: Nafiji Hodo direktorici Zavoda za zapošljavanje BPK Goražde i Predsjedniku Udruženja starih zanata Safetu Efendiću. Nakon toga Predsjedavajući Skupštine je dao riječ gostima. Direktorica Zavoda za zapošljavanje BPK-a Goražde gospođa Nafija Hodo je izrazila zahvalnost na pozivu kao i spremnost za daljnju saradnjom i pružanju pomoći u unapređenju privrede i obrta. Istakla je i značaj projekata koje provodi njihova služba kao što je projekat „Mladi poduzetnik“ i sl.

Ad 1.

Predsjednik Skupštine je nakon ponuđene diskusije o 1. tački dnevnog reda konstatovao da je Zapisnik sa I Konstituirajuće Skupštine Obrtničke komore BPK-a jednoglasno usvojen.

Ad 2.

Predložena je izmjena i dopuna Poslovnika o radu Skupštine Obrtničke komore od strane Predsjednika Skupštine Rehada Delja, u dijelu člana 20: **da se doda osim javnog glasanja i mogućnost tajnog glasanja po Pravilniku o izbornoj proceduri u obrtničkim komorama kantona i obrtničkim komorama Federacije,** što je jednoglasno usvojeno. Time je usvojen **novi Poslovnik o radu Skupštine.**

Ad 3.

U okviru ove tačke članovima Skupštine je ponuđeno da predlože i imenuju Radno tijelo te je Predsjednik Skupštine konstatirao da je prisutan 31 član Skupštine.

Predloženi kandidati Radnog predsjedništva su: Rehad-Sejo Deljo, Amra Efendić, Vedin Dozo.

Skupština je ponuđene kandidate za članove Radnog predsjedništva jednoglasno usvojila.

Stav 2, tačke 3. Dnevnog reda bilo je imenovanje Verifikacione komisije .
Prisutni članovi Skupštine predložili su slijedeće kandidate: Haris Alkadić, Refik Gabela.

Aklamacijom svi članovi su bili saglasni da **Verifikacionu komisiju** čine:

1. **Haris Alkadić**
2. **Refik Gabela**

Za zapisničara i ovjerivača zapisnika su jednoglasno imenovani:

1. **Mersa Kamenica**
2. **Salih Aganović**
3. **Ahmet Pozder**

Ad 4.

U okviru 4.tačke dnevnog reda Predsjednik Skupštine je pozvao Predsjednika Obrtničke komore Ahmeda Popovića da podnese Izvještaj o radu Obrtničke komore BPK-a Goražde.

Ahmed Popović (Izvještaj predsjednika Komore): Jedna od stvari koje smo uradili u proteklom periodu je organizovanje press konferencije. Skrenuo bih pažnju na važnost donošenja odluke o uspostavljanu uspješnije saradnje sa organima vlasti, prije svega sa Ministarstvom privrede BPK-a kao i Zavodom za zapošljavanje s ciljem realizacije projekata podsticaja i podrške obrtnicima.

Također bih istakao važnost organizovanja sajмова kao i obezbjeđenje sredstava za njihovo unapređenje i što bolje promovisanje naših obrtnika, kao i nagrađivanje poreskih obaveznika kroz manifestaciju dodjele priznanja onima koji stvaraju nove vrijednosti, te osvaruju najveći prihod i imaju najveći broj radnika u svojim obrtima.

Predsjednik Skupštine je pozvao Predsjednika Upravnog odbora Obrtničke komore BPK-a da podnese Izvještaj o radu Upravnog odbora Obrtničke komore BPK-a.

Enver Pršeš (Izvještaj predsjednika Upravnog odbora): Cilj Upravnog odbora je da radimo na unapređenju našeg udruženja da bi dostigli jedan veći nivo s ciljem postizanja većeg respekta od strane vlasti. Upravni odbor daje sebi za zadatak da budemo partneri u Vladi, da se oglašavamo po pitanjima bitnim za nas a što ćemo najbolje postići našim objedinjenjem i zajedništvom. S tim u vezi pozivam sve obrtnike da prisustvuju javnoj raspravi povodom nacrtu Budžeta Općine Goražde za 2012.godinu kojim nisu predviđena sredstva za bilo kakav podsticaj obrtnicima. Članovi upravnog odbora namjeravaju iskazati nezadovoljstvo s tim u vezi i uzeti učešće u diskusiji pa pozivam i vas.

Upravni odbor je pokrenuo inicijativu za organizovani odlazak obrtnika na Sajam zanatstva i male privrede u Munchen.

Senad Hasić (Izvještaj predsjednika Nadzornog odbora) o materijalno-finansijskom poslovanju: Nadzorni odbor se u proteklom periodu sastao dva puta, izabrali predsjednika

te izvršili analizu finansijskog dijela poslovanja te konstatirali da je dobro ali da bi se trebalo težiti povećanju prihoda i smanjenju rashoda.

Ad 5.

Predsjednik Skupštine je pozvao sve članove na diskusiju o gore podnesenim izvještajima. S obzirom da niko od prisutnih nije imao primjedbi na podnesene izvještaje pristupilo se glasanju nakon čega su izvještaji jednoglasno usvojeni.

Ad 6.

Predsjedavajući Skupštine je predložio zamjenu 6. i 7. tačke dnevnog reda jer je smatrao da bi prvo trebalo usvojiti Finansijski plan Obrtničke komore za 2012. godinu, jer je to jedan ozbiljan i ograničavajući dokument, kojeg bi se Upravni odbor trebao strogo pridržavati prilikom predlaganja i planiranja Programa rada komore.

Predsjedavajući Skupštine je kratko upoznao članove Skupštine sa Finansijskim planom Obrtničke komore i pozvao na diskusiju u vezi s tim.

Pošto nije bilo primjedbi, **Finansijski plan za 2012. godinu jednoglasno je usvojen.**

Ad 7.

Ovom tačkom predviđeno je usvajanje Programa rada Obrtničke komore BPK-a Goražde za 2012.godinu.

Ponuđena je pismena forma Plana rada Obrtničke komore za 2012. godinu. Aklamacijom članova Skupštine izvorni plan rada je jednoglasno usvojen.

Ad 8.

Statutarna i zakonska ovlast Skupštine komore je da usvaja, mjenja,dopunjava i daje saglasnost na pravilnik.

Stav 1, Predsjednik Upravnog odbora je prezentirao predložene promjene Pravilnika o radu Upravnog odbora, koje su se odnosile na održavanje Sjednice Upravnog odbora najmanje jednom u tri mjeseca, s tim da je Predsjednik Skupštine konstatirao da to bude najmanje jednom u dva mjeseca što je i usvojeno.

Usvojene **Izmjene i dopune Pravilnika o radu Upravnog odbora bi podrazumijevale:**

Član 4.

Iza riječi: Sjednice Upravnog odbora se održavaju po potrebi – briše se: a najmanje 12 (dvanaest) puta godišnje i dodaje se : **a najmanje jednom u dva mjeseca.**

Član 13.

Iza riječi: Predsjednik Upravnog odbora u slučaju većeg odsustvovanja pismenim putem prenosi svoja ovlašćenja - briše se na nekog od članova Upravnog odbora i dodaje se: **podpredsjednika Upravnog odbora.**

Član 15. stav 1

Automatski se mjenja izmjenom u članu 13.

Član 17. stav 2

iza riječi: Ako je član iz prethodnog stava spriječen, Upravnim odborom predsjedava – briše se: član Upravnog odbora izabran na sjednici i dodaje se: **podpredsjednik Upravnog odbora.**

Stav 2, Donešen je novi **Pravilnik o radu Nadzornog odbora Obrtničke komore BPK-a koji je jednoglasno usvojen.**

Stav 3, Upravni odbor je predložio izmjene pravilnika o naknadama za putne troškove u pogledu smanjenja dnevnica za putne troškove sa dosadašnjih 40 KM na 25 KM, što je jednoglasno usvojeno.

Predsjednik Skupštine je predložio da se smanje naknade organima uprave Komore.

Predsjednik UO je odgovorio da to nije razmatrano na UO, te stoga nije ni donešen prijedlog takve odluke.

Predsjednik Skupštine je rekao da se takva odluka svakako pripremi za narednu Skupštinu.

Ad 9.

Predsjednik Skupštine je skrenuo pažnju i na najbitnija tačka Dnevnog reda, a to je: **Izmjene i dopune STATUTA Obrtničke komore BPK-a** što je potrebno zbog Ministarstva pravde i Vlade da bi nam konačno dali zeleno svjetlo za registraciju.

Predsjednik Upravnog odbora kao predlagač Izmjena i dopuna Statuta je prezentirao prijedlog Izmjena i dopuna Statuta nakon čega je uslijedila diskusija.

Predloženi su amandmani članova Skupštine i to: da se član 16, član 24, član 26 brišu, izmjeni član 20. stav 3, i da se u članu 25. stav 2 doda: a najmanje jednom u dva mjeseca, što je predlagač prihvatio.

Nakon toga je uz predložene amandmane Upravnog odbora i članova Skupštine usvojen prijedlog **Izmjena i dopuna STATUTA Obrtničke komore BPK-a:**

Član 1.

Iza riječi: sazivanje Skupštine-dodaju se riječi: **i upravnih tijela.**

Iza riječi: Forme rješenja i dokumentovanje odluka- dodaje se riječi: **Obrtničke komore kantona i upravnih tijela.**

Iza riječi: izrada srednjoročnog finansijskog plana i njegova prezentacija - dodaje se : **na Skupštini.**

Član 3.

Obrtnička komora kantona djeluje na području općina: Goražde, Ustikolina i Prača-Pale - briše se i dodaje : **Obrtnička komora Bosansko-podrinjskog kantona djeluje na području općina Bosansko-podrinjskog kantona.**

Član 7. Stav 1.

Iza riječi: znak je -dodati riječ: **četrtaastog oblika**

Član 9. Stav. 2

Iza riječi: Članovi Obrtničke komore kantona mogu postati trgovačka i privredna društva i druga pravna lica, osnovana po drugim zakonima-dodati slijedeće: **Član 84. Stav 4. Zakona o obrtu i srodnim djelatnostima.**

Član 13 Stav 2 Alineja 2.

Iza riječi: Prema podacima iz registra Obrtničke komore kantona teritorijalno općinama pripada broj delegata i to kako slijedi: predlaže se umjesto dosadašnjeg slijedeće:

- **Goražde 30,**
- **Foča-Ustikolina 4,**
- **Pale- Prača 2,**

te dodati u nastavku slijedeće: **ukoliko ne bude dovoljan broj delegata iz Općina Foča- Ustikolina i Pale-Prača, popuniti taj broj iz Općine Goražde.**

Član 20. Stav 2

Iza riječi: Sekretar obavlja svoju funkciju – briše se: kao radnik u stalnom radnom odnosu i dodaje se: **po mogućnosti u stalnom radnom odnosu.**

Član 20. Stav 3.

Briše se: Mandat sekretara traje četiri godine s tim da isto lice može biti ponovo imenovano a dodaje se: **Imenuje ga Skupština Obrtničke komore BPK-a na prijedlog Komisije za izbor i imenovanje koju imenuje Skupština.**

Član 22. Stav 4.

Iza riječi: Pravo glasa u Skupštini Obrtničke komore kantona imaju izabrani predstavnici-
dodaje se: **a vlasnik radnje može prenijeti svoje pravo glasa na uposlenika radnje.**

Član 23.

Brisati riječi: imenuje i razrješava sekretara Obrtničke komore kantona.

Član 24. Stav 5

Iza riječi: Upravni odbor Obrtničke komore kantona bira predsjednik – dodaje se : i
podpredsjednik Upravnog odbora.

Član 25. Stav 2

Umjesto riječi: Upravni odbor zakazuje i njime predsjedava predsjednik Upravnog odbora, a u njegovom odsustvu jedan od članova Upravnog odbora- mjenja se slijedeće:
Upravni odbor zakazuje i njime predsjedava predsjednik Upravnog odbora, a u njegovom odsustvu podpredsjednik Upravnog odbora, a najmanje jednom u dva mjeseca.

Član 26.

Dodati riječi: **imenuje i razrješava sekretara Obrtničke komore kantona**

Član 27. Stav 3

Umjesto riječi: Članovi Upravnog odbora ne mogu biti birani u Nadzorni odbor – dodaje se: **Ista osoba ne može biti istovremeno član Nadzornog i Upravnog odbora.**

Član 29.

Dodati : **i donosi Pravilnik o radu Nadzornog odbora.**

Član 31.

Ovaj član se briše kompletan, te umjesto njega se ubacuje Član 92. Zakona o obrtu i srodnim djelatnostima

Član 33. Stav 2.

Iza riječi: Sekretar komore pored općih uslova mora da ima visoku školsku spremu- dodaje se riječ: **društvenog smjera** a briše riječ: pravnog smjera.

Član 33. Stav 2

Iza riječi: srednju stručnu spremu sa-pet godina radnog iskustva na poslovima sekretara u sličnoj instituciji, promjeniti na **tri godine radnog iskustva na poslovima sekretara u sličnoj instituciji**

Član 44. Stav 1

Iza riječi: Skupština iz svoje nadležnosti i Upravni odbor – dodati riječi: **i Nadzorni odbor.**

Na osnovu Člana 75. Stav 6 Zakona o obrtu i srodnim djelatnostima FBiH koji glasi: **Članovi upravnih tijela obavljaju službu besplatno , kao počasno zvanje. Statutom se može detaljnije propisati naknada nastalih troškova i obeštećenja za izgubljeno vrijeme.**

Napominjem da je već ranije na V redovnoj Skupštini OK BPK-a održane dana 31.05.2011.g. usvojen **PRAVILNIK o novčanoj naknadi članovima organa Komore za izgubljeno vrijeme tokom aktivnosti u organima Komore**

Ubaciti ovaj Član Zakona u slijedeće članove Statuta Komore:

- **Član 19.(Izborni postupak za predsjednika i potpredsjednika Obrtničke komore kantona)**
- **Član 22. (Rad Skupštine i odlučivanje)**
- **Član 25. (Održavanje sjednice Upravnog odbora)**
- **Član 28. (Održavanje sjednice Nadzornog odbora)**
- **Član 37. (Sud časti)**

Ad 10.

Predloženo je da se u toku godine pruži podrška i nagrade obrtnici koji su zaslužni za razvoj obrta BPK-a dodjelom priznanja i zahvalnica.

Ad 11.

Formulisani zaključci su i usvojeni.

Ad 12.

Apelacijom članova Skupštine izabrana je **Komisija za izbor i imenovanja**, koja će se sastojati od tri člana, i to:

- 1. Salih Aganović**
- 2. Murat Šaronjić**
- 3. Amra Efendić**

Donesena je odluka da se raspiše konkurs za prijem kandidata za upražnjeno radno mjesto tehničkog sekretara Obrtničke komore, na period od tri mjeseca.

Izabrana je i **Komisija za kandidovanje obrtnika, poduzetnika za nagrade i zahvale**, u sastavu od tri člana:

- 1. Refik Gabela**
- 2. Elvedina Čeljo**
- 3. Vedin Đozo**

Sjednica završena u 17:34 sati.

Napomena: Skupština Komore je snimana diktafonom.

ZAPISNIČAR

Predsjednik Skupštine OK BPK-a

Mensura Kamenica

Rehad-Sejo Deljo

Salih Aganović

Ahmet Pozder